



Podignuta optužnica za zločine u Prijedoru

Mrđa i ostali ubijali i mučili civile

Tužilaštvo Bosne i Hercegovine podiglo je optužnicu protiv Darka Mrđe, Zorana Babića, Radenka Marinovića i Milana Gavrilovića za zločine počinjene nad nesrpskim

stanovništvom na području Prijedora tokom 1992. godine.

Ovi pripadnici Interventnog voda i policije Centra javne bezbjednosti Prijedor terete se za ubistva, prisilne nestanke i druga nečovječna djela učinjena od kraja aprila do kraja septembra 1992. u namjeri nanošenja velike patnje, ozbiljne fizičke ili psihičke povrede te narušavanja zdravlja nesrpskog civilnog stanovništva.

Mrđa se tereti za zločine počinjene 20. jula u naselju Biščani, kada su masovno ubijani

civili bošnjačke nacionalnosti, kao i za ubistvo najmanje tri osobe te odvođenje jedne u nepoznatom pravcu, čiji su posmrtni ostaci nađeni u Tomašici.

Optuženi se terete i za mučenje i ubijanje logoraša u Manjači i Omarskoj.

Optuženima Tužilaštvo Bosne i Hercegovine na teret stavlja ubistvo najmanje devet osoba.

Optužnica je prosljeđena na potvrđivanje Sudu Bosne i Hercegovine. **S. KA.**

HAŠKI TRIBUNAL

Mrđa osuđen na 17 godina

Darko Mrđa je u Haškom tribunalu osuđen na 17 godina zatvora zbog učešća u masakru koji je 21. augusta 1992. izvršen na Korićanskim stijenama na Vlašiću. Tada je ubijeno više od 200 civila. Mrđa, inače bivši zapovjednik specijalne policije bosanskih Srba iz Prijedora, odslužio je u španskom zatvoru dvije trećine kazne nakon čega je pušten na slobodu. Pripadnici **SIPA**-e uhapsili su ga u februaru 2016.